

BENEDICTIO CEREORUM

III Non Febr. Ypapanti. (207) Ad sanctam Mariam.

(Ex cod. Vind. theol. n. 685 sæc. x.)

Domine Deus omnipotens creator cœli et terræ rex regum Dominus dominantium, exaudi nos famulos tuos clamantes et orantes ad te. Precamur te, Domine sancte Pater omnipotens æternæ Deus, qui omnia ex nihilo creasti, et jussu tuo per opera apum hunc liquorem ad perfectionem cereæ evenire fecisti, et qui hodierna die petitionem justî Simeonis implesti, te humiliter deprecamur, ut has candelas ad usus hominum, et sanitatem corporum et animarum sive in terra sive in aquis per invocationem sancti tui nominis, et per intercessionem sanctæ Mariæ genitricis tuæ, cujus hodie festa devote percolimus, et per preces omnium Sanctorum tuorum beneddicere et sanctificare digneris, ut hæc plebs tua illas in manibus honorifice portans, te cantando, teque laudando, tu exaudies voces illius, de cœlo sancto tuo et de sede majestatis tuæ. Propitius sis omnibus clamantibus ad te, quos redemisti precioso sanguine tuo, qui vivis et regnas per omnia sæcula sæculorum. Amen. Dominus vobiscum. Et cum spiritu tuo. Sursum corda. Habemus ad Dominum. Gratias agamus Domino Deo nostro. Dignum et justum est. Vere dignum et justum est, æquum et salutare. Quia per serenissimam ac placidissimam stellam genitricem tuam, cujus sacratissimum nomen per ineffabile et inenarrabile meritum stella maris interpretatur, humanum genus illuminare dignatus es. Pro hoc maxime gaudio hodierna die ovantes, et has candelas in manibus nostris venerabiliter ferentes, et incessabili voce clamantes, ut pro dulcissimo amore, et clementissima intercessione tuæ dignæ genitricis semperque Virginis nos indignos, sed tamen pretioso sanguine tuo redemptos te æterno ac vero lumine facias clementer perfrui. Per.

Oremus. Omnipotens sempiternæ Deus, qui hodierna die Unigenitum tuum ulnis sancti Simeonis in templo tuo sancto suscipiendum præsentasti tuam supplices deprecamur clementiam, ut hos cereos, quos nos tui famuli tui in nominis magnificentia suscipientes gestare cupimus beneddicere et sanctificare atque lumine supernæ benedictionis ascendere digneris: quatinus eos tibi Dno Deo nostro offerendo. digni, et sancto igne tuæ dulcissimæ caritatis succensi in templo sancto gloriæ tuæ representari mereamur. Per.

(207) Jos. Beletto, qui vixit sæc. XII, in explicatione divinorum offic. Hæc celebritas etiam *Candelaria* dicta memoratur ab antiquissima Romanorum consuetudine in principio Februarii urbem lustran-

A Tunc dividantur candelæ per singulos, et accendantur, stantibusque omnibus in eodem loco cantatur hæc anthiphona.

Ant. Ave gratia plena Dei genitrix virgo, ex te enim ortus est Sol justitiæ, illuminans quæ in tenebris sunt. Lætare et tu senior juste, suscipiens in ulnas liberatorem animarum nostrarum, donantem nobis resurrectionem.

Oratio. Exaudi quæsumus Dno plebem tuam, et quæ extrinsecus annua tribuis devotione venerari, interiori assequi gratiæ tuæ luce concede. Per.

Tum primum exeuntes inde procedant usque ad crucem cantando Ant. Responsum accepit Simeon a Spiritu sancto. Non visurum se mortem nisi videret Christum Dominum. Et cum inducerent puerum in templum, accepit eum in ulnas suas et benedixit Deum, et dixit: Nunc dimittis Domine servum tuum in pace. Versiculi.

Qui sine peccato templi est oblatus ad aram.

A nobis clemens crimina quæque demat.

Quod chorus vatum venerandus olim Spiritu sancto cecinit regletus, in Dei factum genitrice constat esse Maria. Qui sine peccato.

Hæc Deum cœli Dominumque terræ virgo concepit, peperitque virgo, atque post partum meruit manere inviolata. Qui sine.

Quem senex justus Simeon in ulnis in domo sumpsit Domini gavisus. Ob quod optatum proprio videret lumine Christum. Qui.

Tu libens votis, petimus precantis, regis æterni genitrix, faveto, clara quæ celsi retinens Olympi regna petisti. Qui.

Sit Deo nostro decus et potestas. Sit salus perpes, sit honor perennis. Qui poli summa residet in arce tribus et unus. Qui.

Oratio. Illumina Domine quæsumus populum tuum, et splendore gloriæ tuæ cor ejus semper accende, ut Salvatorem suum, et incessanter agnoscat, et veraciter apprehendat. Per eundem.

Tunc procedentes inde veniant ad altare sanctæ Mariæ canendo. Ant. Adorna thalamum tuum Sion, et suscipe regem Christum. Amplectere Mariam, quæ est cœlestis porta. Ipsa enim portat regem gloriæ. Novi luminis subsistit virgo, adducens manibus filium ante luciferum. Quem accipiens Simeon in

B di, eam circumeundo seu ambiendo cum candelis ardentibus in manibus, unde etiam *Amburbale* vocatum festum.

ulnas suas prædicavit populis Dominum eum esse vitam et mortis, et Salvatorem mundi. *Oratio.* Oremus. Da quæsumus populo tuo Domine inviolabiliter fidei firmitatem ut qui unigenitum tuum in tua tecum gloria sempiternum in veritate nostri corporis natum de matre virgine constituentur. et præsentibus liberentur adversis, et mansuris gaudiis inserantur. *Per. Indeque incipiente cantore Ant.* Cum inducerent puerum. *Ps.* Benedictus. Oremus. Perfice in nobis quæsumus Domine gratiam tuam, qui justus Symeonis expectationem implesti, ut sicut ille mortem non vidit priusquam Christum Dominum videre mereretur, ita et nos vitam oblineamus æternam. *Per eundem (208).*

(*Ex codice Rhenaug. sæc. XI, circ.*)

Ave gratia. *†.* Suscepimus etc. Dns vobiscum. Oremus :

Erudi (209) quæsumus Domine plebem tuam; et quæ extrinsecus annua tribuis devotione venerari, intrinsecus assequi gratiæ tuæ lucem concede. *Per Dam nostrum.*

Domine Deus creator cœli et terræ, rex regum et Dominus dominantium, exaudi indignos famulos tuos, clamantes et orantes ad te : precamur etc.

Deus Pater omnipotens, lumen indeficiens, conditor omnium luminum! exaudi nos, et benedice hoc lumen, quod a te sanctificari atque benedici rogantes offerimus, ut accendamus et illuminemur igne claritatis tuæ; et sicut igne illuminasti Moysen, ita quæsumus ut illumines corda, et sensus nostros, et mittere digneris sanctum angelum tuum Raphaellem : ut qui evulsit et repulit a Sara et Tobia dæmonem mortiferum infestantem, conterat illum, et disperdat de cunctis habitationibus colentium Dominum, de basilicis, de domibus, de angulis, de lectulis, de refectoriis, de universis locis in quibuscunque famulantes Domino habitant, et requiescunt, dormiunt, vigilant, ambulant, consistunt; nec amplius valeat inquietare, vel pavores immittere super illos, quos sancti crismatis tui unctio fecit esse munitos.

Benedico te cera in nomine sanctæ Trinitatis : ut sis exterminatio diaboli, et omnium contubernaliū ejus. *Per eum, qui vivit et regnat Deus per omnia secula seculorum. Amen.*

Adesta supplicationibus nostris omnipotens Deus! **D**

A et has candelas tua benedictione perfunde; quatenus fidelis populus eas in manibus portans non solum exteriori lumine gaudeat, sed cecitate cordis repulsa, sic lumen, quod in tenebris lucet, apprehendat : ut nequaquam a via veritatis aberret. *p. D. n. I. Ch. F. t. q. tec. v. et r. in u. Sp. S. D. per om. sc. Amen.*

Dominus vobiscum etc. Sursum corda etc.

Gratias agamus Dno etc.

Vere dignum etc. æterne Deus.

Fons. et origo totius lucis, qui mundum illuminasti lumine tuæ claritatis, mittendo nobis unigenitum tuum per uterum intemeratæ Virginis; et quem longe ante promisisti Prophetarum oraculis, temporibus novissimis ipsum misisti lucem, populis sedentibus in tenebris, in regione umbræ mortis in ipso claritas exorta est eis : Tu quoque benedictione tua digneris benedice has candelas Nomini tuo præparatas; qui nos transtulisti a potestate tenebrarum in lucem, et regnum dilecti filii tui, per quem exortum est in tenebris lumen rectis corde et gaudium salutis æternæ. Et qui justum Simeonem fidei replesti expectatione, ut non prius videret mortem, antequam Christum Domini videret indutum carne : totius mundi lumen et salutare; ipse nos lumine tuæ claritatis sic repleas, ut omnes infidelitatis tenebras a nobis repellas; et sicut hodie servum tuum dimisisti in pace, ita nos in pace tuæ sanctæ Ecclesiæ digneris gubernare : ut portum quietis æternæ valeamus intrare, quatenus radiis ut (210) lucis perfusi ibi in die justis Examini læti cum ymnidicis Angelorum choris valeamus videre faciem indefessi solis. *Per eundem. D. n. J. Ch. F. t. q. t. v. et reg. in unit. Sp. S. D. per o. secla seclum. Amen.*

Deinde aspergantur, thurificentur, distribuuntur.

Ant. Lumen ad Revelation. etc. *†* Accipiens Simeon puerum in manibus : gratias agens benedicit Dominum.

Omnipotens sempiternus Deus! qui unigenitum tuum ante tempora de te genitum, sed temporaliter de Maria virgine incarnatum, lumen verum, et indeficiens ad depellendas humani generis tenebras, et ad incendendum lumen fidei et veritatis in mundum misisti; concede propitius, ut sicut exterius corporali, ita etiam interius luce spirituali mereamur irradiari. *Per eund. Christ.*

BENEDICTIO CINERUM

Dominus vobiscum. Oremus.

Deus, qui humilitate flecteris, et satisfactione placaris; aurem tuæ pietatis inclina precibus nostris,

(208) Pleraque hujus ritus festivi orationes et antiphonæ cum usu hodierno Romano conveniunt, de cujus antiquitate diximus P. III. Disquis. IX, c. 2, n. 12. Nusquam vero quidpiam in nostris monumentis liturgicis occurrit de benedictione novi ignis e silice excussi, unde creta accenderentur. Cujus

et capitibus servorum tuorum horum cinerum asper- sione ac tactis (211) effunde propitius gratiam tuam

meminit S. Bernardus initio sermonis *f.* de Pass. variique libri rituales apud Martenium.

(209) Miss. R. Exaudi, etc.

(210) leg. tuæ.

(211) leg. attactis.